

W C
542



AD ILLUSTRISSIMUM
AC CELSISSIMUM PRINCIPEM
ac Dominum,

DN. JOHANNEM
ERNESTUM JUNIO-
REM, DUCEM SAXONIÆ, JU-
liæ, Cliviæ & Montium, Landgravium Thurin-
giæ, Marchionem Misniæ, Comitem de Marca
& Ravenspurgk, Dominum in Raven-
stein, D. S. CL.

Gratulatoria

*De feliciter peractô, & Augusti die ul-
timô annicurrentis 1614. solenniter
deposito Salana Reçtoratu
sexenni.*

CONSCRIPTA

à Patribus Civibusq; Academicis.

J E N Æ

TYPIS HENRICI Rauchmauls.

Handwritten text at the top of the page, appearing to be a title or header.

Main body of handwritten text in the upper section, possibly a list or a series of entries.

Handwritten text in the middle section, continuing the list or entries.

Handwritten text in the lower section, possibly a concluding part of the list.

Handwritten text at the bottom of the page, possibly a signature or a date.





Ndolis acta tuæ, quæq; illa sequentibus annis
 JAN ERNESTE tuis de te sperare licebunt,
 Ostendunt, nec parva quidem, nam protinus
 omnes,
 Cum primū inciperes moderamina clara lycæi
 Prudenti tractare manu, sceptrumq; tenere,
 Sic in te facies vertisti, omniq; probatus
 Et SAPIENTER & omnia quod CONSTANTER obiris,
 Hoc pergas animo, macte & Celsissime Princeps,
 Cum tua majori subvecta est dextera mole,
 Sic Rodanus, Tamesisque tibi bene cognitus, ortus
 Solis & occasus meritâ te laude beabunt.

*Debita subjectionis ergo
 scribebat.*

Dominicus Arumæus D.

Hoc fuit in votis, magnum ut qui temperat orbem,
 Te nobis reducem sisteret incolumem.
 Vota fides sequitur, nec frustra implevit Olympum
 Sala, Deus pondus sivit habere preces.
 Jamq; refers, quosnam generosa Britannia honores,
 Quos tibi bellipotens Gallia detulerit!
 Ut Batavus facilitate dextrâ exceperit audax,
 Utq; evitâris mille pericla via.
 Ista recensentis cuncti pendemus ab ore,
 Mirantes lingua flumina larga tua.
 Dî superi adspirate Duci, date molliter avum
 Exigere, & multas vivere Olympiadas.

Johannes Svevius D.

A 2

Nunc

Nunc solvenda Deo pia vota, calentia vota;
 Qui tibi sceptrâ Scholæ, *Dux pie*, fausta dedit.
 Qui tibi fausta Scholæ moderatur sceptrâ SALANÆ,
 Per bis tres annos omnipotente manu:
 Faxit is, ut parili nisu majora gubernes
 Sceptrâ: hinc major erit dexteritatis honos.

Debita subjectionis ergò f.

Georgius Mylius D.

Quis *JOHANN ERNESTE* tibi, *Dux Incolyte Saxo*,
 Grates pro meritis poterit persolvere dignas?
 Quis celebrare tuas festivo Carmine laudes
 Unquam sat poterit? *Virtutem GALLIA* Dives
 Est mirata tuam; nec nov. *BRITANNIA* fortis:
 Et qua bello ardet civili *BELGICA* tellus.
 Has etenim terras; hæc florentissima regna
 Lustrasti modò; *DEITHLEBIO* comitante, perito
 Linguarum, Legum, morum simul atq; viarum.
 Miratus quoq; *CÆSAR* erat, Proceresq; potentes
 Teutonici Imperii; Cum nuper fortia *MOENVS*
 Spectaret tua facta; tuosq; videre triumphos
 Gestiret. Nostro bona quid collata Lyceo
 Nunc memorem versu? vel qui memorare potessim?
 Purâ ea sunt: Majoraq; sunt, quam ut præbendere verbis
 Possim. Vix unum dicam. *TV* Sceptrâ Lycei
 Nostri *SEX* totos tolerasti ferre per *ANNOS*:
 Curasti, *PRINCEPS BONE*, res nostras *SAPIENTER*;
CONSTANTE Rq; simul: quod apertè σύμβολον illud
 Signabat solenne tuum. Te præside summo,
PRINCEPS, felices fuimus. Te nunc abeunte
 Munere Magnifico; quæ nos fortuna manebit?
 O mea si possent *NUMEN* pia flectere Vota!
 Plures tunc annos hic *JOHANN ERNESTE* maneres;
 Et facili dextrâ regeres *Academica* sceptrâ.

Sed

*Sed DEVS ad majora vocat TE, MAXIME PRINCEPS,
 Ad majora satum WITEKINDI sanguine ab alto.
 Ito ergo felix; felicior atq; redito
 Ad nos, & vulu MV SAS recreare benigno
 Nostras ne ventias: pangent tunc Carmina lata
 Cum Deus Eximiam, Lutheri dogmate tinctam
 Conjugio junget stabili; propriamq; dicabit
 REGVM sive DVCV M prognatam stirpe puellam;
 Qua faciat pulcrâ blandum te prole parentem.*

Humilimæ devotæque subjectio-
 nis ac debitæ gratitudinis ergò
 deproperabat

*M. Johannes Zölnner
 P. P. in Salana.*

SI curare greges, & semina credere sulcis,
 Aut fodicare velis tremulos calcaribus armos
 Bellatoris equi, solidoque micantia ferro
 Arma gravi jactare manu, geminumque phasello
 Incolumis siculi monstrum per abire profundi:
 Scilicet hæc opus est multâ discamus ut arte,
 Scilicet hæc opus est multo discamus ut usu,
 Discere si rectè tibi cura sit; alterius sic
 Altera poscit opem res, & conjurat amicè.
 Et sunt quos populi fasces, & purpura regum
 Ignaros hominumque simul pariterque locorum
 Delirare facit, rerumque capessere cogit
 Ignotas (Deus hoc perdat Cacoëthes) habenas
 O capita Anticyra tribus haud relevanda, citatò
 Tonfoni quamvis Licino commiseris: At te
 Numinis auspicio Princeps ERNESTE JOHANNES
 Felicem, terrasque tuas. Tibi jam tot aristas,
 Ferre dedit nostri sceptrum Deus ipse Lycei
 Atque ita paullatim tacitis assvescere curis,
 Nempe secuturi præludia maxime Princeps

A 3

Imperii:

Imperii: Senos Tibires bene gesta per annos
 Jam quocunque Deus, quò fas, quò sanguinis ordo
 Ingens quò Patriæ te spes ERNESTE vocare.
 Nempe peritus eris, semperque paratus ad omnes
 Causas & casus, tutorque Paterque tuorum
 Pacis ad extremam claudes delubra senectam.

*Wolfg. Heider M. debita
 subjectionis ergò ut-
 cunq; f.*

PARODIA HORATIANA
 ex Carm. Od. XVIII.

JAN-ERNESTE graves pondere jam, quas Academia
 fecit, pone sinu sollicito sollicitudines.
 In regno tibi majora Deus proposuit, neq;
 pugnaces aliter dissidiis res capiunt moras.
 O quis non animos difficiles aut odium increpet?
 Quis non te potius grata quies teq; decens Charis?
 Sic ne quis modici transiliat munera corporis,
 vires sepe monent cura gravibus noxa caput premit
 undis, sepe monent consociis damna Phalangibus,
 cum vitæ latebras exigua pollice conscio
 exquirunt Medici. Non ego te, Dux animosior,
 invitum quatiā, nec variis obruta cladibus
 insomnem rapiam, clara tene sic schola dixerat,
 regni sceptrā manu, qua subsequitur gloria Principum
 admiscens superis egregium gloria verticem
 laetisq; auspiciis commoditas publica civium.
 humilimæ subjectionis
 ergò f.

*M. Thomas Sagittarius
 Professor publicus.
 Emme-*

EMMETPON. STROPHE I.

SUrge è torô **D**I**E**s roscide;
 Purpuram rubicundam
 Adsume humeris splendidis:
 Ut mutuô lustretur radiô
 Quam gestat, euge! purpuream, ave
 Faustâ, parômin bonus
Catus & **P**RIN**C**E**P**S. Age ô Lyceum!
 Extolle frontem roseum: Dux,
 Dux eques **J**O**H**A**N**N-**E**R**N**E**S**T**U**S
 Templum adit (cuî premunt latus
 Fraternal **T**R**I**G**A**; ellum!) Tibi sacrum
RE**C**T**O**R **M**A**G**N**I**F**I**C**E**N**T**I**S**S**I**M**U**S.

ANTISTROPHE I.

Sic certè agenda solennia
 Hæc forent. Sed epômin
 Fascesque Phœbeïos
 Non gestitabit porrò, veluti
 Sexennium **D**U**C**E**M** vidimus hinc
 Gestare **C**O**N**S**T**A**N**T**E**R &
SA**P**I**E**N**T**E**R**: se addicabit isthòc
 Sceptrò; & Lycéo **V**A**L**E**D**I**C**E**T**
 Hòc Die. Potior luctus
 Causa nobis putabitur;
 Udum ac Diem sudo anteferre.
CO**R** **L**Æ**T**U**M** **A**L**B**A **H**I**L**A**R**A**T**U**R** **D**I**E**.

EPODOS I.

UT bene adfulciatur Ordo.
 Pièrius, Regimenque nutans

Gratiosâ

Gratiosâ PRINCIPIS præ-
sentiâ, ut & Authoritate
Nil præstabilius quit esse.
Hâc caritura posthâc videtur
RECTURA Jenæ: fulcimenta
Deesse vides turribus suâ
Parte roborea? Tota ruit moles.

STROPHE II.

Q Uæ nunc agenda? ô SALICA
GYMNAS! an retrahendum
Angustia ad claustra Mens?
Et mancipandum cor tristitia?
An verò vela dandum hilari
Affectui? & metra
Resonandum? nostrique excitanda
Phœbi iuventas, operata
Jam Theoprosynæ, Astrææ
Et Galeno & Sopho optimo:
Ut Musicis concentibus juga
Parnassi repleant SALICI?

ANTISTROPHE II.

L INGUIS FAVETE! jacta alea est,
PRINCIPES viridantis
RUTÆ aurei ramuli:
MAGNUS DIES magnos & plaûsus
Poscit sibi. Ecce! suaviloqua epe
RECTORIS, è pulpito
VALEDICENTIS: lepor labellis
Finxit lares, & gravis armat
Vox loquelæ animam. EXTREMUM
Non VALE dicit: absit hoc!
PRÆSENTIOR nobis futurus est
ABSENS; præsiديو, dexterâ.

EPO.

EPODOS II.

Sic volunt equidem Camœnæ,
 Cælia Pallas, & alba Pacis
 Nata Comitas, satelles
 Triga charitum: imò Cynthi
 Triga triplex ministra.
 Gratisonum ciébit melisma
 Pro almô auxiliô Deo Uni-trino
 Pius, quod erit magna portio
 Gaudii Vieta Musula nostra orba est.

*Deb. subjct. ergò F.
 M. Balihasar Gualtherus Sacr. Lingg.
 Prof. publ.*

Plaudite Salaides: nova Carmina pangite Musæ?
 JAN-ERNESTUS, de Saxone nobilis HEROS.
 JAN-ERNESTUS adest, gessit qui sceptrum Lycæi,
 JAN-ERNESTUS adest, GALLO qui visus & ANGLO,
 JAN-ERNESTUS adest multis optatus ab horis.
 Plaudite Salaides? nova Carmina pangite Musæ?
 Quem tenuit hac REGEM Salicas vidistis ad oras,
 quem mirata fuit FRANCFURTI Cæsaris Aula,
 quem tum suspexit Princeps baud unus & alter,
 quem post excepit multo cum Gallus honore,
 quem magno tenuit complexus amore Britannus,
 quem sibi quisq; volent, si postera turba futura est:
 HIC PATRIS est facies, premit HIC vestigia PATRIS,
 HIC PATRIÆ splendor, LUX HIC, HIC adorea magna,
 HIC PATRIÆ PATER est, HIC DUX, HIC fida CO.
 Plaudite Salaides? nova Carmina pangite Musæ? (LUMNA.
 Et salve atq; vale DOMINO vos dicite tanto?
 Atq; benè ut valeat, vos dicite mille valete?
 Ipse fero precibus SALVERE VALERE perenne:
 quod faxit NUMEN, nostræ quod LINEA vita est.

*Subjctis.
 M. Michael Wolfius Physices Prof. publ.
 B Impi-*

177 171

Semper adfectus superare noras,
Præmium dignis tribuens, malorum
At scelus dextrâ quatiens potenti,
Auspice Jovâ.

Jam (QVOD ET FELIX SIET, ATQVE FAUSTUM!)
Majus optate adgrederis ferendum,
DUX, onus; regni recipis regendas
Patrii habenas.

Haftenus quodq; in speculo videbas,
Jura dans doctis Charisin, reapse id
Nunc tenes, quando populo tuo ausis
Condere legem.

O benè! huc omnes veniant Poëtæ,
Quotquot umbrosas Heliconis oras
Incolunt, gratentur honorem, (ut æquum est)

PRINCIPI. & unâ
Poplite inflexo venerentur illum,
Qui fretum, terras, homines, Deosq;
Temperat nutu, ut regat ac secundet
Omnipotentem,

Dexterâ, quidquid meditetur hic DUX,
Serus ad sedes abeat piorum,
Sed suo interfit populo futura ad
Secla beatus.

Dia Pax Hoc sub folio infidebit,
Hoc sub Aseræ vireant sorores,
Hoc sub, expulsâ invidiâ, nitebit
Justitiæ lux.

Sic ego secli melioris auspex
Auguror, sic me pietas avita,
Atq; virtutes niveæ jubebant

PRINCIPIS almi.
Vos viri magni, placidæ maritæ,
Virginum turbæ, juvenum cohortes
PRINCIPI nostro pia ferte vota,
Dignus enim illis

Est.




Est. Dies læta omnibus hæc acerbas
 Eximat curas. quoniam, tenente hoc
PRINCIPE has terras, bona convolabunt
 Divite cornu.

Humillima subjectionis ergò
 gratulabundus JENÆ clō Iō C XIV.
 a. d. .v. Kl. Septemb. scripsit

Christophorus Heflichius Norimb.

Pretor I resonet jam Musica, Musica Lipp I,
 Et quos cantandi sedulus orget amor.
 Musica cantet, cantet Musica, Syntona nostra,
 Quæ pars est divi magna Ministerii.
 Hoc letum tempus MUSARUM quippe requirit,
JAN DUX ERNESTUS dum sacra verba refert:
 Munus Magnificum deponens laude perenni:
 Postulat ut gravitas, sic quoq; caussa gravis.
 Tu Calamo; hic fidibus; Plectro hic præludat eburno;
 Hit Harpam digitis tangat, & arte regat.
 Barbiton alter agat; cava Tympana, Cymbala, Chordas,
 Qualiter accinuit Voce Chelyq; DAVID.
 Organa, Sistra, Lyram, Crotalum, Citharamq; Chelinq;
 Ille Chorus teneat, tangat & arte regat.
 Ac Tarantara, Tibia cum Lituo: Tuba, Nablum,
 Buccina, Pandura: hæc cuncta parata sient.
 Gaudia namq; jubent celebrem resonare Triumphum,
 Festiq; Collegi quæ dedit ipse DEUS.
 Exitus Imperii felici ut tramite currit:
 Principium Imperii sic quoq; Pace fluat.

Georgius Quitschreiber/ Musicus
 Ordinarius Jenæ.





Nunc
 Quitibi f
 Per
 Faxit is, u
 Sce

Quis cele
 Vnquam se
 Est mirat
 Et quabel
 Has etenim
 Lustrasti
 Linguaru
 Miratus
 Teutonic
 Spectaret
 Gestiret. i
 Nunc me
 Pura eas
 Possim. V
 Nostri S
 Curasti,
 CONST
 Signabat
 PRINC
 Munere
 O mea si p
 Plures tun
 Et facili d

dit.
 Mylius D.
 aclyte Saxo,
 rbis
 NIENTER;
 illud
 res;
 Sed

